

Bayibolu Yawanyana Anyanya
yinakushimuna

Kuvwalika
kwa Yesu



Ayisonekeli kudi: Edward Hughes

Ayilumbulula kudi: M. Maillot
Alastair Paterson

Anakuyizatisha kudi: E. Frischbutter; Sarah S.

Ayituntulula kudi: www.christian-translation.com

Wunu mukanda awidisha kudi: Bible for Children
www.M1914.org

©2022 Bible for Children, Inc.

Wuswa: Mudi nawuswa wakukopolola iyi nsañu,
neyi chakwila hiyakulandishaku.



Kuyaaka yakunyima, Nzambi
watemesheli kañelu Gabeleli kuya
kudi chañadima wamubanda wezhina
da Maliya. Wamulezheli nindi,
"Wakavwala mwana weyala nawa
wakamutumba ijina dindi neyi
Yesu. Akamutena nawu

Mwana ka
Mukwakubadika.
Wakayula haya
nyaka."



Chañadima wamumbanda wahayamini
wehwili nindi, "Chumichi
chikamwekana ñahi? Ami kanda
nidimoneñahu neyla." Kañelu
wamulezheli Mariya nindi
mwana wukafuma kudi
Nzambi. Wukavwalika
chakubula iyala.



Dichi kañelu wamulejeli
Mariya nindi musonyindi
Elizabeta wakavwala
mwana muwushinakazhi
windi. Ichi chadiña
chiyamisha.
Chimwahitili mafuku,
Mariya wamuhempwili
Elizabeta.
Amuhamekali
Nzambi wezhima
wawu hamu.



Mariya amoteli kudi
iyala wezhina da Yosefu.
Yosefu waneñeli
chelukiliyi nindi Mariya
nemit. Watoñozhokeli
nindi anamwimitishi
kudi iyala wacheñi.



Muchilota, kañelu kaNzambi
wamulezheli Yosefu nindi iwu
mwana wadiña mwana kaNzambi.
Yosefu amulezheli kumukwasha
mariya kumuhemba Yesu.



Yosefu wamukuhweleli nakumwovwahila Nzambi.
Nawa wahembeli ninshimbi zhetuña. Hamuloña
wanshimbi zhazhiha,
Yosefu niMariya ayili
kumbaka yawu,



mu Beteleme kulonda akadisonekeshi.



Mariya wadiña kwakwihi
nakusampuluka. Dichi
Yosefu wakañenyi
kuwana kapeka.
Mutupeka
mwakukaama
enyi mwenzeli.



Nkumininaku Yosefu wawanini mwadiilaña yimuna.
Dimu mwavwalikilili Yesu. Mama yindi wamuvuñekeli
nakumukamika mwiluña
mwahembelaña yakudya
yawayimuna.



Kwiluña damukamwihi, atubiña adiña nakubiña yimuna.
Kañelu kaNzambi hakumwekana kudi wena
nakuyilezha nsañu yayiwahi.



"Muloña dalelu mumusumba waDavidi munavwaliki
chamwinu chenu, diyi Kristu Mwanta. Mukuwana
mukeki anamukaamiki mwadilaña
ayimuna."



Kukasumuka, añelu amakwawu
atooka amwekeni, anakumushemeka
Nzambi nawu, ...



"Kulema kwiikali kudi Nzambi mwiwulu
nawa hamaseki hekali kuwunda
hakachi kawantu atiyaña kuwaha."



Atubiña anyakeli kuya kwadilaña
ayimuna. Chamumwenuwu mukeki
alejeli antu ejima ahumañenuwu munjila
mazu ayilejeluwu kudi añelu hadi Yesu.



Chimwahitili mafuku 40, Yosefu
niMariya amutwalili Yesu
mutembeli yamu Yerusalema.

Mutembeli iyala wezhina
da Shimona wamuhame-
keli Nzambi hadi mukeki,
ilaña Ana kashinakazhi,

ñamba
yamwanta,
niyena wam-
ushimekeli.



Wezhima wawu elukili nawu Yesu
wadiña Mwana kaNzambi,
Chamwinu wakaninuwu.
Yosefu wahinini
mulambu watuzhila
tuyedi. Iwu
dimulambu wetejeluwu
kwesekezha nanshimbi
yaNzambi wateleleli
kuhana antu atuzweñi
hakuleta mukeki
wunavwaliki
kudi Mwanta.



Chimwahitili
mafuku, katumbwa
kalombweli Amayala
Akamaana kufuma
Kumusela
waYerusalema.

Hiyakwihula nawu, "Mwanta
wawaYudeya wunavwaliki
wudi kudihi? Tunenzi
nakudifukula kudi yena."





Mwanta Herodi watiyili
mpuhu yanowu aMayala
Akamaana. Dichi
wakameni, wayilezheli
nindi amutemesheli mazu
neyi anamuwani Yesu.
"Kulonda ninami nakaayi
nakudifukula kudi yena."
Ilaña watwambili.
Herodi wakeñeleña
kumujaha Yesu.



Dichi katumbwa kayilombweli Amayala
Akwakuhoña natutumbwa kwitala
kwadiña Mariya naYosefu
nimukeki. Hiyakuwa
hamaseki nakudifukula,
dichi amwinkeli Yesu
yawaana Yawuru
nimanaña evumba
dadiwahi.



Nzambi wayilejeli amayala
akwakuhoña natutumbwa
kufunta kumukala wawu
kuzatisha njila yacheñi.
Herodi wazuwili chikupu.
Wafwilileña kujaha Yesu, iwu
mwanta watama wajahili



anyikeki awamayala
ezhima muYerusalema.



Ilaña Herodi
wakañenyi kujaha
Mwana kaNzambi!
Muchilota, Yosefu
amusoñamishili nawa
watwalili Mariya
niYesu kwiluña
dacheñi muEjipitu.



Herodi chafwiliyi
Yosefu wayifuntishili
aMariya niYesu
kufuma kuEjipitu.



Ashakamineña
mumusumba wanyanya wamu
Nazareta, kukamwihi nakaluña
lwiji kekala kuÑalaliya.



Kuvwalika kwa Yesu

Nsañu yaMwizu daNzambi, Bayibolu,
yawanikaña mu

Matewu 1-2, Luka 1-2

"Kusoloka kwaMazu eyi kwaletaña chezhezhi."
Masamu 119:130



Hanakumini
Nsañu



Iyi nsañu yamu Bayibolu yinakutulezha hadi Nzambi yetu wamuwahi watuleñ'eli nawa nakukeña enu mumwiluki.

Nzambi weluka nindi twekoñaña yuma yatama, Yatenañayi nindi nshidi. Wuloku wanshidi hikufwa, ilaña Nzambi waswezha kuyikeña Watemesheli mwanindi wumu hohu, Yesu, kwinza nakufwila haKulusu nawa wayandilili nshidi zheni. Dichi Yesu wasañukili nawa wafuntili Mwiwulu mwashakamañayi! Neyi mwakuhwelela mudi Yesu nawa neyi mumulomba wukwanakena nshidi yenu, Wukuyanakena! Natweshi kwikala nanenu, ninenu nawa mukwikala nindi haya nyaka.

Neyi munetezhi nenu iyi nsañu yalala, mulezhenu Nzambi nenu: Mwanta Yesu, nakuhweleli nami Yeyi Nzambi, wenzhili neyi muntu kulonda kufwila nshidi zhami, nawa wasañukili. Nakutambwili muwumi wami nawa anakenaku nshidi zhami, kulonda nekali nawumi wawuha, nawa nakekali naneyi haya nyaka. Nkwashi nikwovwahili nendeña naneyi hamu neyi mwaneyi. Amena.

Tañenu Bayibolu nakuhosha naNzambi ifuku niifuku!
Yowanu 3:16

